



Eyn Sermon von dem Wucher.
Doctois Martini Luther
Augustiner zu Wittenbergk.



Faint, illegible text at the top of the page, possibly a title or header.



Eyn Sermon von dem Wucher.

Doctoris Martini Luther Augustiner zu Wittenbergk.

3 Vm Ersten. Ist zu wissen/ das zu vnsern zeyten/
 (welche der Apostell s. Pauell verkündt hatt/ das
 sie ferlich seyn werden) der geytz vnd wucher/ nit als
 lein gewaltiglich/ yn aller welt eyn gerissen/ sondern auch sich
 vnterstanden haben/ ettlich schand deckell zu suchen/ darunder
 sie/ fur billich geachtet/ yhie bößheyt frey möchten treyben. Vnd
 ist daruber fast dahyn kumen/ das wir das heylig Euangelium
 fur nicht achten. Derhalben es nott ist eynes yglichen mensche
 yn diser ferlichen zeyt / sich woll fur sehen/ vnd yn den hendelln
 zeytlicher güter mit rechtem vnterscheyd wandeln/ mit vleyßi-
 gem auff merken/ des heyligen Euangelij/ Christi vnser herin.

¶ Zum Anderen. Ist zu wissen/ das drey vnterscheidliche
 grad vnd orden seyn/ wol vnd vordinstlich handeln / mit den
 zeytlichen gütern. Der erst/ so vns yemand etwas zeytlicher
 güter nympt mit gewalt/ sollen wirs nit alleyn leyden/ vnd fare
 lassen/ sondern auch bereyt seyn/ so er mehr nemen wolt/ das
 selb auch zu lassen. Das sagt vnser lieber herz Ihesus Christ?
 Matt. v. So yemand mit dir haddern will/ fur gericht / das er
 dir deynen rock neme / dem las auch deynen mantell dartzu /
 Dis ist der hochst grad/ yn dyßem werck / vnd ist nit so zuuor
 stehen/ als ettlich meynen/ man soll yhn den mantell hyn nach
 zum rock werffen/ sondern / das man den mantell auch lasse
 faren/ nit widder strebe noch vngedultig droß sey/ noch widder
 hole/ Dan er spricht nit/ gib yhm auch den mantel/ sondern las
 yhm auch den mantell/ Gleich wie Christ? fur dem Bischoff
 Annas/ da er den Backenschlag empfieng/ hylt er den andern/
 auch den selben/ widder dar/ vñ bereyd war/ mehr zu leyden der
 selben schlege/ Ja in seynem ganzen leyden sehen wir/ das er nie
 keyn böße wort odder that/ bezalet odder widder holet/ sonder
 alzeyt bereyt ist/ mehr vnd mehr zu leyden.

¶ Zum Dritten. Das ist woll war / das er zu dem knecht Malchus der yhn schlug / sprach / Hab ich vbell geredt / so bewere dasselb / hab ich aber woll geredt / warüb schlechstu mich / In diese wort stossen sich ettlich / auch der gelerten vnd maynē Christus hab hie mit den andern backen / dar gehalten / wie er gelernt hatt. Aber sie sehen die wort mit recht an / dan Christus yn diesen Worten diewet nichts / richtet sich nit / schlecht nit widder weget auch nit den andern backen / Ja er richtet auch nit / noch vordampft den Malchus / sondern wie sanct Peter / von yhm schreybt. Er hatt nit gediewet / noch böses gedacht widder zu geben / sondern hat es auff gott den rechten richter gestellet / als sprecher / Hab ich recht geredt / odder du mich recht schlechst / wirt gott woll finden vnd du bist schuldig / das zu beweren / gleych wie Zacharias sprach / da sie yhn tödten / Videat dñs et iudicet / gott wirt das sehen vnd richten. Also thett er auch vor Pilato / da er sprach / der mich dir vbir geben hatt / der hatt eyn grossere sund than dan du / Dan das ist eyn Christliche Brudersliche trewe / so du erschreckist vnd yhm seyn vnrecht vnd gottis gericht für heltist / der dir vnrecht thut / vñ bist yhm schuldig zu sagen also / wolan du nymst mir den rock / diß vñ das thuesstu recht daran / du wirst müssen vorantworten / vnd das mustu thun / nit vmb deyns schadens willen für nehmlich auch nit yhm zu bedrauen / sondern yhm zu warnen / vnd seins vorterbēs zu erinnern / So er sich nit dräkeret / so las gehn was gehn will vnd yhmer mehr nemen. Sihe so ist zuuorstehe das wort Christi / vor Annas gericht gesprochen / darnach folget / das du auch must wie Christus am Creutz für yhn bitten / vnd yhm woll thun / der dir vbell thut / das wir izt lassen an stehen bis zu seyner zeyt.

¶ Zū Vierter. Vill maynen / diser erst grad / sey nit gepotē noch nott / zu halten eynes yglichen Christen menschen / sondern sey / ein guter rad dē volkōmen heim geben / ob sie yhn wollē halten / gleych wie die iungfrawschafft vñ keuscheyt / geradten vñ nit gepoten ist / Darüb achten sie für pillich / das eyn yglicher / dz seyne widder hole / gewalt mit gewalt vortreybe / wie er mag vnd weys / vnd schmücken solch yhr maynung / mit hübschen

Blumen/Beweren die mit vielen crefftigen (als sie dunckt) vrsachen. Zum ersten/das auch ettlich geystlich gerecht (schweyg das weltlich) sage/Dim vi pellere iura sinūt/das ist/ die rechte gebens zu/ das man gewalt mit gewalt were. Da her zu andern/kompt das gemeyn sprichwort/von der nott were/das die selb/vnstrefflich ist/ was sie vorwirckt. Zum dritten/suret mā erzū / ettlich exempell der schrifft/ als Abrahā / David vnd vill mehr/die wir lesen/wie sie yhr seynd gestrafft vñ bezalet habē. Zū vierden/ziehen sie an die vornunfft/vñ sprechen/solue istud. So das eyn gepott were/ wurd den bößwilligen vrlaub geben zu nehmen vnd stelen/zu letzt wurd / niemant nichts behalten/ ya niemant seyns leybs sicher seyn. Zū funfften/das yhe als fest bewaret sey/süren sie sanct August: spruch hereyn/der dise wort Christi also auß legt / das man den mantell soll faren lassen/nach dem rock sin pparationem animi/das ist/man soll dar zu bereyt seyn ym hertzen. Dise edle/clare außlegung/deuten vñ finstern sie/mit eyner andern gloss vñnd setzen dartzu/es sey nit nott/das wir es zu geben/eußerlich yn der thatt/ sey gnug das/ ym hertze ymerlich wir bereyt vñ geschickt seyn/solchs zu thun als solten wir ettwas wollen thun/das wir doch nit wollen thun/das ia vnd neyn sey eyn dinck.

¶ Zū Funfften. Sihe da/ das seynd die meyster stuck/ damit man biß her/ vnßers lieben hern Ihesu Christi lere vnd exempl mit dem heyligen Euāgelio/ allen seynen marterern vñ heyligen/ hatt vmbkeret vñbekant gemacht vnd ganz vnter dunckt/das nu zur zeyt/geystlich/weltlich prelaten vnd vnder thanen/die besten Christen seyn/die solchen stücken folgen/vnd widder Christus leben/ lere/vñ Euāgelij streben. Daher kompt es/das haddet gezencf/richter notarien/officialē/Juristen vñ solchs edlen gesinds souill seynd als die fliegen ym sommer. Da her kompt/souill krieg vnd blutvngissen vnter den Christen/da muß man auch gen Rom haddern / Dan da selb ist vill gelts die aller größte nott. Vnd in der Christenheyt izt das größ ist heyligist/gemeynist werck ist/rechten vnd sechten/das ist/dem heyligen fridlichem leben vnd leren Christi/widderstreben vnd zu letzt das grausam spiell dahin bracht ist / das mit



allein vmb geritzger summa willen/drey odder vier groschen/ein
arm Christen mensche/ den gott mit seynes blut erlöset / citirt
etwa vber vill meyen/ vorbānet/ vorragt wirt/ von weyß/ kind
vnd den seynen/ sondern auch die frischen knaben/ das achten
als gar woll gethan/ vñ eyn fröliche stirn dartzu tragen. So
sollen fallen/ die gottis gepot zu spott machen/ so sol gott blē-
den vnd schenden/ die seyn heyliges liechtes wort / zur finsterniß
machen/ das heyst. *Vim vi repellere licet/ vnd/ sin animi prepa-
rationē/ den mantell faren lassen.* Dan also halten auch das
Euangeliū die Heyden/ Ja die wolff vnd alle vnuomunfftige
thire/ vnd durffen seyn die Christen mit mehr.

Czū Sechsten. Derhalben will ich das meynehan/ vñ
so vill ich mag/ eynen yden vorwarnet haben / das er sich nit
lasse yren/ wie geleret/ wie gewaltig/ wie geystlich vnd wie vill
der selben allsamt seyn/ die auß diesem grad / eyn rad gemacht
haben vnd noch machen/ es geschech mit wasserley blumen vñ
farben/ es mag. Es hilfft keyn auß redt/ es ist schlecht ein gepot/
dem wir schuldig seyn zu volgen/ wie Christus vnd seyne heylig-
en/ yn yhrem leben vns dasselb besteriget vnd furtragen haben.
Gott achtet nit/ das die rechte/ sie seyn geystlich odder weltlich
zu lassen/ gewalt mit gewalt roere. Auch ist nichts köstlich
was die recht zu lassen/ lassen sie doch zu/ gemeyne frau hew-
ber/ die doch widder gottis gepot seynd/ lassen auch vil andere
böse stück zu/ die gott vorpent/ sie müssen auch heymlich sund
vnd böshert zu lassen. Es ist gar eyn kleyne ding/ was mensch-
liche recht gepieten vnd vorpieten / schweyg was sie zu lassen
odd nit straffen/ Darvñ/ die not weere/ ist wol vor dem mensch-
liche recht vnstreflich / aber vor got nit vordienstlich. Hadden
vor gericht/ strafft widder Papsst noch Keyser/ Es strafft aber
Christus vnd seyn lere. Das aber etlich vetter ym alten Testa-
ment/ yhre seynd haben gestrafft/ ist nie geschehen auß yrem wil
kōre/ adder an sonderlich befehl gottis/ wilcher die sunder strafft
zu weylen durch frum vñ böse/ Engell vñ menschen. Dvñ ha-
ben sie nit darynne yhre rach odder gut gesucht / sondern allein
gotte gehorsamlich gedienet/ gleych wie Christ' ym Euangeli-
leret/ das mā vmb gottis gepots willē/ auch widder vatter vñ

mitter handeln soll/die er doch gepoten hatt zu eeren/ vñ doch die gepot mit widderinander seyn/sondern das vnter/nach dem vbern regirt wirt. Also auch wen dir gott gepentt dich zu rechnen odder vorfechten/so soltu es thun vnd nit ere.

¶ **Zu Siebenden.** Doch ist es war/das gott hatt eingesetzt dz weltlicheschwerd/darzu auch die geystliche gewalt der kirchen/vnd beyden vbirkeyten besolen/die bößwilligen zu straffen vñ die vordruckten zu redten.wie Paul⁹ Ro:xiij.vñ viel örtern leret. Isa.vñ ps.lxxi.Aber das solt also geschehen/dz niemāe selb klager were/sündern die andern in brüderlicher trew/vñ sorgfeltigkeit für eynander/ansagten der vbirkeyt/diser vnschuld/vñ yhener vnrecht/dz also die gewalt/mit fug/vñ rechter ordenüg durch der andern bezeugen zur straffe griffe. Ja d leydende solt bitten vnd weren/das man seyn sach nit rechette. Widderüb/die andern/nit ablassen/bis das vbel gestrafft wurd/so gieng es/fruntlich Christlich vnd brüderlich / vnd wurd mehr/die sund. dan der schaden angesehen. Darumb strafft s. Paulus die Corinth.i.Cor.vi.Das sie rechteten mit eynander/vnd nit lieber schaden vñ betrug lyden/wie woll er yhier vnuolckōmenheyt zu ließ/das sie richter setzten die geringisten vnter yhn/das thett er aber/sie zu beschemen / das sie yhie vnuolkommenheyt erkenten. Also muß mā auch noch dulden/die vmb zeytlich gutt rechtē vnd fechten/als die weychen kindische Christen/die mā nit hinwerffen muß/vmb hoffnung willen yhier besserung / wie derselb Apostell/an vil örtern leret. Aber man soll yhn sagen/das das selb nit Christlich noch vordinstlich wol than sey/sondern ein menschlich vnd yrdisch werck/vorhinderlich zur selickheit mehr dan forderlich.

¶ **Zu Achten.** Solch gepott/hatt Christus darüb geben/das er yn vnß auff richtet/eyn fridlich/reyn vnd hymelisch lebē. Tu ist das nit der weg zum frid / so ydermann das seyne widder foddert / vñnd nicht vnrechts leyden will/als die blyndenn maynen/von den am. xiij. psalm. steht. Sye wissen dem weg nit zum fride / wilcher allein ym leyden geht/

wie auch die Heyden/ mit vorzüfft vnd wir mit teglicher erfahrung/erkennen. Es muß eyn teyl dem andern still halten vñ leyden/soll frid bleyben/vñ ob man lange zencft vñ haddert/ muß es doch zu letzt auff hören/mit vielen erlitten scheden vnd vbell die nit geschehen/so mā ym anfang/diſ gepott Christi gehalten/vnd sich die ansechtung (da mit gott vñs vorucht) nit het lassen von dem gepott treyben vnd vberwinden. Also ordenet es gott/das wer nit wenig will lassen faren vmb seyns gepots willen/der muß vill odder gar vorliren/durch haddet vñ krieg vñ ist billich/das der den richtern/procuratorū/schreyberū gebe an allen danck/yñs teuffels dienst.xx.xxx.xl.gulden/der seynem nehesten/nit nach ließ/vmb gottis willen/vnd ewiges vordinst. r.odder vi.gulden/auff das er also vorlie beyde zeytliche vnd ewige gütter/der do mocht/so er gott gehorsam were/gnug/zeytlich vnd ewiglich haben. So soll es auch seyn/das grosse herren zu weyllen/eyn gantz land vorkriegten/vñ groß summen mit den kriegs leuten vmbbringen/vmb eynis cleynen nutz oder freyheit willen/das heyst/der welt/ vorkerete weyßheit/ die mit gulden netzen fischet/da die kost groffer ist dan der gewyn/vñ seynd/die das wenige gewinnen vnd das viele vorthun.

¶ Zum Neunden. Also auch were es vnmöglich / das wir mochten reyn werden/von der anlebung / der zeytlichen gütter/wen gott nit vorordenet/das wir mit vnrecht beleydiget vnd da durch geubt worden/vñser hertz abzuwenden/von den zeytlichen falschen gütern / der welt / die selbē mit friden faren lassen vnd hoffen yn die vnlichtlichen ewigen gutern. Drumß wer das seyne widder fodert vnd den mantell nit nach dem rock auch faren less it/der widder steht/ seynereygen reynigkeit vñ hoffnüg zur ewigen seligkeit/zu wilcher gott yhn durch solch gepott vnd vnrecht leyden/ will vben vnd treyben. vnd ist nit zubeforgen/ab vns schon alles genommen wurd / das vns got vorlasse/vñ auch nit zeytlich vorsorge/wie ym 36. psalm stett. Ich bin iung gewesen vñ bin alt worden/vnd hab nie gesehen/das der gerechte vorlassen sey/odder seyne kindt nach brot gehn. Als dan auch yn Job beweyffet ist/dem vill mehr geben ist hernoch/dā er hette vorhyn/ob es woll yhm alles genommen wart. Dan

wart: Dan kurz umb solch gepot / wollen vnß lösen von der welt / vnd begirig machen des hymels / durnb sollt man den trewen rad gottis fridlich vnd frölich auffnehmen / dan wo er das nit thet / vnd vnß nit ließ vnrecht vnd vnfrid widdersaren / mocht sich das menschlich hartz nit erhalte / es vor wickeln vn vorklebet sich zu riss / yn den zeytlichen dingen / darauß dan solget / vberdruß / vnd vnachtsamkcyt der ewigen güter ym hymell.

¶ **Zu zehenden.** Das ist gesagt / von dem ersten grad / zu hädelln yn zeytlichen guter / der auch / der sunnhanst vnd grost sifst ist / vn leyder nit alleyn / der geringst / sondern auch zu nicht worden / ganz vnbeant / vor den nebeln vn wolcken / menschlicher rechten / sitten / wenen vnd gewonheyten. Tu folget der ander grad / Der ist / das wir solle geben frey rumbsonst ydamā der seyn bedarff odder begieret. Davon sagt vnser her. Ihesus Christus auch Matt. v. Wer von dir bittert / dem gib / Vnd wie woll diser grad vill geringer ist / dan der erst / ist er doch gar schwer vnd pittet / denen / die mher schmecken die zeytlichen / dā die ewigen güter / dan sie haben nit souill vortrawen yn gott / das er sie emeren muge odder wolle / yn disem elenden leben. Drib sorgen sie / sie sterben hungers vnd vorteben ganz / so sie gottis gepott nach / solten geben ydamā der sie bittert. Vnd wie mogen sie yhm trawen / das er sie yn ewickeyt emere. Dan als Christ? sagt. Wer gott yn eynem kleynen nit vortrawet / der vortrawet yhm nymmer mehr / yn eynem groffen / dennoch gehn sie hyn vn maynen / gott soll sie ewig selig machen / achtens auch dafur / sie haben desselben zu yhm eyn gutt vortrawen / vn wollen doch diser seyner gepott nit achten / damit er sie vben vn treyben will / das sie lernen yhm vortrawen / yn zeytlichen vnd ewigen dingen. Darub zu besorgen ist / wer nit will dielere hören vn vnd folgen der wirt der kunst nymmer vberkumen / vnd wie sie ynn kleynen zeytlichen güter / gott nit vortrawen / zu legt auch müssen vorzweyffeln / yn den groffen vnd ewigen.

¶ **Zu Eylfften.** Dyser ander grad / ist so geringe / das er auch dem schlechten vnvolkommen volck der Juden yn alten Testament gepoten ist / wie Deutro: xv. geschueben stett. Es

B



werden alzeit arm/leut seyn yn deyner land/ duumb gepiet ich
Dyr/ das du deyne hand auff thuest/ deynem armen vnd durff-
tigen Bruder/ vnd gebist yhm/ darzu hatt er yhn dasselb so
hart gepotten/ das sie niemāt müstē Bettelen lassen/ vnd spricht
Deu. xv. Es soll yhe kein Betteler noch darblosser vnter euch seyn.
Szo nu gott das ym alten Testament hatt gepotten/ wie vill
mehr sollen wyr Christen mit alleyn darzu vorpüden seyn/ das
wyr keynen darben noch Bettelen lassen/ Sondern auch vbir
das/ den ersten grad halten/ bereyt seyn alles faren zu lassen/ woz
man mit gewalt vns nemen will. Tu ist aber des Bettelens
schon/ das auch eyn eehre drauff worden ist/ vnd mit genug dā
das weltliche menschē Bettelen/ ist auch yn der geystlichen/ pries-
ter stand/ als eyn kostlich ding getrieben. Ich wil mit niemāt
dies fechten/ ich achts aber/ es sollt billicher seyn/ das yn der
Christenheyt ym neuen testament keyn Betteley were/ dan vnter
der Judenschafft ym alten testamēt/ vnd halt die geystlich vñ
weltlich vbirkeyt solten yn yrem ampt nit vnformlich handeln/
so sie alle Bettell seck absetzen.

¶ Zu zwelffen/ Dissem grad steen widder dreyerley stuch
odder prauch vnter den menschen. Der erst ist/ das ettliche woll
geben vnd schencken yhrem freunden den reychen vnd gewal-
tigen/ die seyn nit bedurffen nit/ vorgessen der durfftigen/ Vnd
wen sie also gunst/ genieß odder freundschaft derselben erlan-
gen/ odder von yhn als frum leut gelobet werden/ gehn sie hym
sicher/ yn solchem der menschen/ lob/ eere/ gunst odder genieß be-
nugt/ sehn die weyll nit drauff/ wie gar vill besser were/ sie heten
solchs den durfftigen yn wilchen sie gottis gunst/ lob vnd eere
erlangeten/ von denen sagt Christus Luce xiiij. Wann du eyn
mittags oder obent mal machist/ so soltu nit laden deyne früd
noch deyne Bruder noch deyne Schweger noch deyne nachbarñ/
noch die reychen/ auff dz sie dich nit widder laden vñ nehmit
damit deyn lohn. Sondern wen du eyn mall machist/ so lade
die armen/ die krancken/ die lamē/ die blinden/ so bistu selig/ dā
sie mügens dir nit vorgelten/ Es soll dir aber vorgolten werden
vnter den rechtfertigen/ wen sie von den todten auferstheem.
Vnd wie woll/ diese lere/ so clar ist vnd gemeyn/ das yderman
woll sihet vnd weys/ es solt also seyn/ noch sihet man der selbē

13
wyrrent/eyn erampell mehr vnter den Christen/ vnd ist doch des
ladens/wol lebens/essens/trinckens/gebens / schenckens / keyn
maß noch zall/vnd heysen dennoch alle frum leut vnd Chris
ten/damit nit mehr auß gericht wirt/dan des gebens dem dur
ffrigen vor-gessen. O wie greulich gericht/wirt vber die selben/
sichere geyste fallen/wan am Jungsten tag/ gefragt wirt/wil
chen sie geben vnd woll than haben.

¶ Zu dreyzehende. Der ander prauch ist/dz mā sich diß ge
ben weget/der seynder oder widder sacher halben/ Dā dies falsche
natur/schwere dazu ist/das sie denen wol thu/die yhr vbel thā
haben. Aber es hilfft nit/das gepott ist gemeyn / fur alle mens
chen gesagt. Gib wer dich bittet/ vñ Lu. vi. clar auß gedueckt
ist. Eym yglichen der dich bittet/dem gib/ Sie wirt nit auß ges
zogen/der seynd odder widder part/ia mit eingezogen / als das
selben der herz sich vorcleret vñ spricht. Wan yhr allein die liebet
die euch lieben/was ist das fur ein wolthat? lieben doch die bö
sen auch yhre liebhaber. Vñ wen yhr nur den wol thut/die euch
lieben/was ist das fur ein wolthat? thun doch dz auch die bö
sen/yhr aber solt lieb haben/ewie seynd/yhr solt yhn guts thun/
yhr solt yhn leyhen vñ nichts dauo gewarten/ so wirt ewi vor
dienst groß seyn/vñ yhr werdet kinder sein/des allerhöchsten/dē
er ist gütig vber die vndanckparn vnd bösen. Dife heylsam
gepott Christi/seyn auch also abgangen/ das man sienit ab
leyn nit helt/sondern auch eyn rade/drauff macht/des man nie
notlich schuldig sey zu halten / gleych wie die den ersten grad.
Dazu haben geholffen die schedlich lerer / die do sagen / es sey
nit not/ das man signa rancoris/das ist/die zeychen vñ sa wie
ernste geberde/ ablege gegen des seynd/sondern sey gnug/das ym
hertzen/yhm vorgebē werd / vñ zihen so das gepot Christi vñ
den eußern wercken/allein in die gedanken/so er es doch selbst
mit klaren worten ynß werck auß streckt/sagend/yhr solt woll
thū (nit allein wol gedeneckē) ewi feindē. Also auch pau. Ro.
xij. mit dem König Salomon eynhellig spricht. Zungert deyn
feind/so speyß yhn/durst yhn/so trenck yhn. Dā damit wirstu
auff sein herobtsamlen/feurige kolen/das ist/ du wirst yhn mit
wolttatē vberladen/dz er mit gut vberwüden/ dich zu lieben ent
zundet wirt. Auß disses falsche leren/ist kōmen/dz sprich wort.

Ich wills yhm vorgeben/ich wills aber nit vorgeffen. ¶ nicht
also/lieber Christen mensch / es muß vorgeben vnd vorgeffen
seyn/wie du wilt das gott dyr nit alleyn vorgebe vnd vorgeffe/
sonderñ auch mehr dan vorhyrn wolthu.

¶ Zum Vierzehenden/ist der dritte prauch eyn hubsche
gleyßend farbe/die dissem geben am aller schedlichsten ist/da
von ferlich zu reden ist/dan es die trifft/die ander leutt leren vnd
regiren solln / wilche das volck seyn/ das von anbegynn der
welt/bis anß ende/altzeyt die warheyt nit mag horen/noch ley
den das andere horen. Es geht nu also zu/das sie den hohen
titel/ der do heyst Almoßen/odder vmb gottis willen geben/
treiben alleyn auff kirchen/Closter/Capellen/altar/turm/ glo
cken/orgelln/taffeln/Bilde/ sylbern vnd gulden/ cleydet/ vñ ge
wandt / darnach auff mess / vigilien/singen/lesen/ testament
stiftung / Bruderschafft/ vnd der gleychen. Sie hont das
geben eyntgerissen/ vnd da geht nu der recht strom her/ da hatt
man yhn auch hyrn geleytet vnd haben wolte / derhalben auch
nit wunder ist/das auff der seyten/ da Christus seyn wort hyrn
leytet/ so durr vnd wust ist/ das wo man hundert altar odder
vigilien hatt/nit eynen findt / der eyn tisch voll armer leut speys
set/odder sonst armen haussessen gebe/ Was Christ⁹ gepoten
hatt/dz heyst nit/vmb gottis willen geben/sonderñ/was men
schen haben erfunde/Was man lebendingen gliedmassn Christi
den durfftigen gibt/ das ist nit almoßen / sondern das man
zu steyn/holtz vnd farben gibt. Vnd ist dasselb geben so kost
lich vnd edel worden/das got selber nit gnug ist/dasselb zu vor
gelten/sondern muß zuhulff habē bueff/Bullen/pergamen/ Bley
Blech/schnur/ cleyt vnd groß/wachs / grün / gelb vnd weyß /
gleyßts nit/so gilt nit/vnd alls mit großer kost vmb gottis
willen erkaufft / auß Rom / das yhe solche groffe werck/mit
Ablass/hie vnd dort/vbir gottis lohn woll belonet werden.
Aber das man armen/durfftigen gibt/nach Christ⁹ gepott/ dz
elend werck/muß solcher prechtlicher Belonung beraubt / nur an
gottis lohn ym gnugen lassen. Derhalben es auch hynderñ
vñ yhens er vor gesetzt wirt/vñ beyde/gegē ander gar vngleich
leuchten vnd scheynen. Darvß muß auch nu sanct Peter von

13
Rom zu seyner Kirchen Baw/yn der ganzen welt Bettelen gehn/
die almosen vnd giffte vmb gottis willen mit groffen hauffen
samlen/vnd mit ablas tewr vnd reychlich bezalen. Vnd das
selb werck zympt yhm auch woll/vnd kan seyn wol gewarten
die weyl er todt ist/dan da er lebt / müst er Christus gepott pre-
digen/vnd kund das ablas nit gewarten. Dem selben getrewen
hirten folgen seyne scheflein vleyßlich nach/ vñ mit ablas ym
land yre faren. Das/wo ein kirchwey odder iarmarckt ist/ sich
die selben Bettler samlen/wie die flygen ym sömer/die allesampt
eyn lidlin predigē/ Gebt zū newen Baw/das euch gott vor gelt/
vnd der heylig herz sanct Niclas/darnach zū Bier odder weyn/
auch vmb gottis willen/vnd die Cōmissarien reych gemacht/
vom ablas auch vmb gottis willē/Dürffreigen zu geben nach
gottis gepott / seynt widder Cōmissarien/ noch Botschafften
nott bey vns.

¶ Zu funffzehenden. Was wollen wir hie zu sagen? vor-
werffen wir diße werck/ so vorbant vns der heylige Stull zu
Rom / vnd schelten vns / die hochgelereten gar schwind/für
Ketzer/den es groß daran gelegen ist/wo der gelt strom hyn ge-
furet wirt. ¶ Zu wir wollen nit vorwerffen/das mā zimlich
Kirchen Baw vnd schmuck/der wir nit emperen mügen/vñ got-
tis dienst billich auffzierlichst gehalten wirt. Aber doch solt
ein maß da seyn/vñ mehr geachtet/das es reynlich dan köst-
lich were/was zu gottis dienst vorordenet wirt. Das ist aber
zu er Barmen vñ Klagen/das wir durch solch geplere vñ weße.
werden von gottis gepott abkeret/vñ alleyn / auff die ding ge-
furet/die gott nit gepoten hat / vnd an wilche / gottis gepott/
woll kan gehalten werden. Es were gnug/ das man das wes-
nigerteyl gebe zu kirchen/altar/vigilien/ Testament/vñ der gley-
chen. Vnd den rechten strom gehn liesse / zu dem gepott gottis/
auff das die wolthat vnter den Christen/gegen den armē/gro-
ßer/vnd mher/leuchtet/dan alle steynen odder hülzen kirchen.
Vnd wen wirs kecklich sagen sollen/so ist es eyn lauter trieg-
rey/serlich vnd vorfurisch den eynfeltigen/so man Bullen/Brieff
sigel/sanen/ vnd der gleychen auffhencft/vmb der todten stey-
nern kirchen willen/vñ thut dasselb nit hunder mal mehr/vmb

der durfftigen lebendigen Christen willen. Drumß mensch sihe dich fur/ Got wirt dich nit fragen am sterben vnd iingsten tag/ wie vll du zu testamenten hynder dyr lesst/ ob du souill oder souill zum kirchen geben hast/ wie wol ichs nit vorwerffe/ sondern wirt also sagen/ Ich byn hungerig gewesen/ vñ yhr hatt mich nit gespeysset/ Ich byn bloß gewesen/ vnd yhr hatt mich nit becleidet/ die wort laß dyr/ lieber mensch/ zu hertze gahn/ da wirts an ligem/ ob du deynem nechsten habst geben vnd woll than. Hutt dich vor scheynen/ gleyssen/ farben/ die dich dauon zihen.

¶ Zum Sechzehenden/ Solche vntregliche lest vñd auff setz abzuthun/ soltē Bapst/ bischoffe/ konig/ fursten vnd hern erbeyten/ das/ entweder durch yre eygen befehl/ odder yn eynes gemeynem Concilio gesetzt wurd vnd vorordent/ das eyn iglich statt vnd fleck/ yhre kirchen/ turn/ glocken barweten/ vñd yhre arme leut selb vorsorgeten/ das der bettel gar abe ging/ oder yhe mit also zu ging/ das eyn iglich fleck seyne kirchen oder armen ym allen andern steten erbettelt/ wie irt der vnlustige prauch ist/ vñ solt den heyligen stul zu Rom mit seynen Bullē zu hiden lassen/ der wol anders zu schaffen hat/ wo er seyns ampts pfe gen will/ dan Bullen verkauffen vnd kirchen barwen/ der yhm auch keynes nott ist/ Dan also hatt gott nemlich ym seynem gesetz auß druckt Deutro. xv. Es werden alzeyt armen seyn ym deynen statt/ das er eyner iglichen statt yhre armen besolen/ vñd das lauffen hynn vñd her auff dem bettel sagt/ wie irt zu sanct Jacob vnd gen Rom geschicht / nit haben wil/ Wie wol aber ich geringer byn/ dan das ich bepsten vnd allen regenten der welt rad geben müge ym solchem fall/ Auch selb wol acht/ es werd nichts drauß / democht muß man wissen was gut vnd nott were/ vnd die vbirkeit schuldig ist zu gedenscken vñd thun/ was dem gemeynen volck das yhr besolen ist/ auffß best zu regiren nott sey.

¶ Zum Sibentzehenden/ hatt man'eyn stucklin funden/ das meysterlich leret wie wyr solch gepott mügen vmbgahn vnd den heyligen geyst betriegen/ Nemlich/ Es sey niemant schuldig

den durfftigen zu geben/sie seyen dan ynn der hochstē nott/dar
zu haben sie yhn vorbehalten/zu ortern vñ beschliffen/was die
hochste nott sey/Also lernen wir/niemant geben noch helffen/
bis das sie hungersterben/erfrieren/vorsterben/vor armut odder
schuld/enlauffen/Aber die schalckchafftige gloss vñ den vor-
surschen zu satz/legt man mit eynem wort nyder/das laut als
so/was du wilt das dyr eyn ander thu/das thu du auch.
Niemandt aber ist so nerrisch/das er yhm nit etz geben haben
wolt/es gehe ym dann itzt die seel auß/odder sey vor schult ent-
lauffen/vnd dan helffen lasse/was nymer helffen mag/Wo es
aber gilt zu kirchen/stiffe/ablaß vñ ander dingen/die gott nit
gepotten hatt/da ist niemad so scharffsynnig noch so vley-
sig/auß zurechnen/ob der kirchen etz zu gebē sey/die ziegel fal-
len dan vom dach/die balcken vorfaulen/das gewelß fall eyn/
die gnad bueß vorwerfen odder ablaß vorsterbe/das doch alls
bas mocht warten/dan die durfftigen/sonderñ hie ist alle stüd
die hochste nott/ob schon alle kassen vnd boden voll seyn vnd
alliß woll erbarwet. Ja hie muß man schetz an auff horen sa-
melen/nit den durfftigen auff erden zu geben odder leyhen/son-
derñ dem heyligen Creutz/vnser lieben frawen/dem heyligen pa-
tron sanct Peter/die ym hymell seyn/vnd das alles nit mit sch-
lechter fursichtickeit/auff dz/ob yhe der iüngst tag nymer mehr
keme/die kirche vorsorgt bleybe vñ hundert vñ aber hundert tau-
sente iar/do mit man zur nott eynen heyligen erheben odder bis-
choffs mentell/odder des gleychen eynn Jarmarck auß Rome
keuffen muge. ¶ Vñ furwar acht ich die Romer fast grosse nar-
ren/das sie die heyligen erhebung/bischoffs mentell/Bullen vñ
brieff/nit tewer vorkeuffen/vnd mehr gelt lösen/die weyll solch
feyste teutsche narren auff yhren Jarmarck kumen/vñ sich selb
dartzu notigē/so doch furwar keyn end Chust/Billicher solch
schetz der erden erheben solt/dan der Romisch bodenlafer sack
dahyn sie auch alle gesamlet vnd vordenet werden/Es were
myr auch leyd ym hertzen/das solch vordampft gutt den durfft-
tigen entz ogen/den es billich eygēt/anders wurde angelegt/dā
vor Romische wahr. Sanct Ambrosi⁹ vñ Paulin⁹ vorzeyten
schmelzte die kilch vñ allis was die kirchē hette/vñ gab es den
armē. Wend vmb dz blat/so findestu wie es itzt gahet/vñ wol

dyr/ liebes Rom ob schon den Deutschen geprech am gelt/ so
haben sie doch kilch/ monstranzen/ vnd bilder gnug. die seyn
noch alle deyn.

¶ Czu achtzehenden. Tu kōmen wir zu dez dritten grad/ die
zeytlichen gūter zu handeln. Der erst/ dz wir willig vñ gerne ley
hē oder borgē sollē/ an allen auffsatz vñ zins/ daus sagt/ vnser
herz Ihesus Chistus Matt. v. Vnd wer von dir entleyhet odd
borgen will/ von dem kere dich nit/ das ist/ vorsags yhm nicht/
Dyßer grad ist der aller geringste/ vñ ist auch ym alten Testa
ment gepotten/ do gott sagt Deutro: xv. So yemand auß deys
nen Brüderñ/ yn deynes statt arm wirt/ soltu deyn hertz nit legen
yhm vorharten/ noch deyn hand zu haltē/ sondern solt sie auff
thun/ vnd yhm leyhen alles wess er bedarff. Vnd disen grad
haben sie lassen bleyben eyn gepott. Dan alle lerer hiezusammē
stymmen/ das leyhen odder borgen/ soll geschehen frey/ an allen
auffsatz/ vnd beschwerung/ wie woll villeycht/ nit alle eyniß
seyn/ wilchen wir leyhen sollen. Dā wie ym vorigen grad/ von
dem geben/ ist gesagt/ also seynd auch hie vill menschen/ die dē
reychen odder guten frunden gerne leyhen/ mehr darumb/ das sie
gunst suchen/ odder yhn vorwandt seyn/ dan das gott gepotē
hatt/ vnd sonderlich/ so der hohe Titell da her geht/ Davon ge
sagt ist/ zu gottis dienst vnd vmb gottis willen 2c. Dan dem
heyligen Creutz/ vnd vnser lieben Frawen vñ dem heyligen
Patron/ leyhet ydermā gerne/ aber do gottis gepot hyn wseyet/
da ist mühe vnd arbeyt/ da will niemand leyhen/ es komme dā
aber die höchste nott/ das leyhen nymmer nutz sey/ wie droben
gesagt ist.

¶ Czu neunzehenden. Chistus aber hatt yn seynem gepot
niemand auß geschlossen/ ia er hatt eyn geschlossen allerley per
sonen/ auch die seynde/ da er spricht Luce vi. Wen yhr nur denē
leyhet/ von wilchen yhr wartet/ das sie auch widder leyhen/ wz
ist das fur eyn woll that? Leyhen doch die bößē sunder eyner dē
andern/ das sie gleich desselben mugen widder haben. Item
Ihr solt leyhen vnd nichts dafur gewarten. Ist mir woll
bewust/ das fast vill Doctores/ disse wort da hin zyhenñ / als
bett der

hett der herr Christus dilyn gepoten / also zu leyhen / das nie-
 mant nichts auffsetzt odder gewinst dian sucht / sondern siey
 hyn leyhen solt / Die meynung woll nit vnrecht ist / dan wer also
 leyhet / dz er auffsetzt / d leyhet nicht. so verkaufft er auch nicht /
 durnb muß es eyn wucher seyn / die weyl leyhen von art vnd
 natur nit anders ist / dan etwas vor eynen andern dar strecken
 vmb sunst / mit bedingen / dasselb odder des gleych messigen
 vñ nit mehr / vber weyl widder zu nhemē. Alser se wyre dez wort
 Christi recht vnter augē sehen / so leret er nit leyhen on auffsatz /
 dan das ist nit not zu leren / seyntemall keyn ander leyhen ist dā
 on auffsatz / od ist mit auffsatz / so ist nit leyhē. Er wil das
 wyr leyhen sollen / nit alleyn den frunden / reychen / vnd da wyr
 geneygt hyn seynd / die vns widderumb mugen ynn dem / od der
 yn eynem andern leyhen odder wol thun / sondern auch denen /
 die dasselb nit vormugen odder nit wollen / als den durfftigen
 vnd feyn den / gleich wie er lieben vnd geben / leret / also auch ley-
 hen / das es alls an gesuch vnd an eygen nutz gescheh / Wilchs
 nit geschicht / wyr thun es dan den feyn den vnd durfftigen / dan
 seyn gantz rede / gahet dahyn / das er vns will leren / ydamā wol
 thun / das ist / nit alleyn denen die vns wol thun / sondern auch
 die vns vbell thun / odder nicht mugen widder woll thun. Das
 meynet er wan er sagt / Ir sollt leyhen vñ nichts dauon gewar-
 ten / das ist / yhr sollt leyhen denen die euch nit widder leyhē mu-
 gen oder wollen. Wer aber leyhet / der gewartet yhe widder des
 selben das er leyhet / vnd solt er nichts gewarten / wie sie es vor-
 stehn / so were es gegeben vñ nit geleyhen / Die weyls dan so ge-
 ring ist / das ein dem andern leyhet / der yhm frundlich reych od
 sonst ym gleychen widder nutzlich seyn mag / das auch die
 sunder / die nit Christen seyn / dasselb thun / so sollen die Christen
 mehr thun / vnd denen leyhen / die dasselb nit thun / das ist den
 durfftigen vnd feyn den / Vnd da sellt aber mall zu poden die lere
 die do sagt / man sey nit schuldig. Signa rancoris / abzulegen /
 wie droben gesagt ist / vnd ob sie woll von dem leyhen recht sa-
 gen / so machen sie doch eyn radt auß diesem gepot / vnd leren
 vns wyr seyn nit schuldig den feyn dē zu leyhen noch den durfft-
 rigen / sie seyn dan yn der hochsten nott / da hutt dich fur.

Zum zwanzigsten/darauff folget/ das die allesampt
wucherer seynd/die weyn/korn/gelt/ vnd was des ist/yhrem ne-
sten also leyhen/das sie vbers iar odder benante zeyt/ die selben
zu zinsen vorpflichtē/ odder doch beschworen vnd vbir laden/
das sie mehr odder eyn anders widdor geben müssen/das besser
ist/dan sie geporgett haben. Vnd das disse menschen selbst grey-
ffen müssen/wie vnrecht sie thun/wie woll es leyder gemeyn
worden ist/setzen wir für yhr augen/dreyerley gesetz. Erst
diss gegenwertig Euāgelium/das gepent. Wir sollen leyhen. Nu
ist leyhen nit leyhen/es geschach dan on allen aussatz vñ eyni-
gem vorteyll/wie gesagt ist/Vnd wie woll/der tückisch geitz/
vnterweylen yhm selbst eyn sars an streyche/ als nehme er das vñ-
rige für eyn geschenck/so hilfes doch nit/so das geschenck ein
wisch ist des leyhen/odd so der borger/lieber nit schenckte/ wo
er mocht frey borger/vnd besondern ist das geschenck vordoch-
tig/so der borger dem leyher/odd der durfftige/dem habarden
schenckte/dan es natürlich nit zimor mite ist/das der durfftige
aus freyen willen/dē habende schenckte/sondern die not dringet
yhn. Erst andern ist das widder dz natürlich gesetz/Wilchs
auch der heri Luce vi. vnd Mat. vi. anzeygt. Was yhr
wolt/das euch die leut thun sollen/das thut auch yhn.
Nu ist an allen zweyffell niem nit/der do wolt/dz yhm rocken
auff eorn/böse münze auff gutte/pose wahr auff gute wahr
gelyhen wurd/ Ja villeyr wolt eyn yder das yhm gute wahr
auff böse/ odder yhe gleych gutte on aussatz gelyhen wurd/
darumb ist klar/das solch leyher widdor die natur handelē/
todlich sunden/wucherer seyn/vnd yhres nechsten schade suchen
ynn yhren gewinst/das sie doch nit widdorumb wolten leyden
von andern/vnd also vngleych handelē mit yhrem nechsten
Zum Dritten ist auch widdor das alte vnd new gesetz das
do gepent/du solt deynē nehistē lieben als dich self/ aber solche
leyher lieben sich alleyn suchen das yhr alleyn/oddor lieben vñ
suchen noch meynen nit mit solchen trewē yhren nechsten als
sich self.

Zum eyn vnd zwanzigsten/Darumb were nicht richti-
gers noch kurtzer vnterweyßung ynn dissem vnd allen handelē

freylich's guts/ dan das eyn iglich mensch/ so er mit seynen ne-
 histen soll handelñ/ ym fursetzt dise gepott/ was du willt das
 dyreyn ander thet/ dz thu du yhm auch/ xnd lieb deynen net stien
 als dich selb/ daneben bedecht/ was er wollt von yhm selber ha-
 ben/ wā er an seyns nehistē stat were/ so wurd sichs alles selbs
 leren vnd finden/ da wurd man keyner recht bucher / noch nicht
 noch clag durffen/ ia alle sach wunden schnell frucht vñ sch-
 licht/ dann einß iglichen hartz xnd gewissen wurd ym sagen /
 wie er wolt mit yhm/ gleych gehādelt/ nach gelassen/ geben vñ
 vorgeben haben/ darauff er dann must schliffen/ er soll eynem
 iglichen andern auch so thun / Aber die weyl weyr die selbigen
 gepott auß den augen setzen/ vñnd alleyn den handell xnd seyn
 gewinft oder schaden anscheyn/ so mußen weyr so entzeliich vill
 bucher/ recht/ richt/ hadder/ blüt xnd allen iamer haben/ vñ als
 so/ nach vbitretung gottis gepott volgenn muß / auch zur-
 störung gottis reich/ das do ist frid xnd eynikeit ynn brüder-
 licher lieb vñnd trew/ doch gehen solch freuell menschen da hyn/
 beeten zu weylen vñ fasten/ geben zu weylē almosen/ vñ seynd
 hie ynn disem stuck/ da die selickheit anlige/ gātz vnachtsam vñ
 sicher/ als tresse sie dis gepott gar nichts/ an wilch sie doch nit
 mügen selig werden/ ob sie gleych all andere wack theten aller
 heyligen.

¶ Zum zweyten xnd zwentzisten/ Sie bewegen etliche zwen
 widderpuch/ Der erst ist/ Wan es also gethan ist xmb's ley-
 hen/ so vorloresich das interesse/ dz ist der nutz den sie die weyl
 mochten schaffen mit der vollyhene wahr. Der ander ist/ das
 groß eyempell/ das allēthalben yn der welle sitt worden ist auff
 gewinß zu leyhen/ vñ sonderlich die weyll die geleerten/ puester
 geystlichen vñnd kirchen also thun/ angesehen das der kirchen
 geystlicher gutter/ vñ gottis dienst pesserung darynnen gesucht
 wirt/ anders weren izt gar wenig Chriſten ynn der welle/ xnd
 wurd ydaman schwer seyn zu leyhen.

Antwort. Dis allis ist nichts geredet/ Auff's erst mustu
 doch das interesse vñnd die nutzung vollyrenn / wan dir's ge-
 nomen wurd/ od der du yemant gibst xmb's onst/ warum's wiltu
 dann ynn dem leyhen das suchen vñnd behaltenn? dann wer
 sich gebens vñnd leyhens erwegt/ der muß sich des interesse zu vor-



zu vor erwezen/ odder wirt widder geze: noch leyhen heyszen.
Auffs ander/ es sey sitt od vnstite/ so ist es mit Chustlich noch
gottlich/ noch natürllich/ vnd hilfft keyn exempell da widder/
dan es stett geschriebe/ du solt nit folgen dem hauffen böses zu
thun/ sondern gott vnd seyne gepott / vber alle ding eeren.
Das aber die geystlichen vnd kirchen das thun/ ist souil erger/
Dan geystliche guter vnd kirchen/ haben nit gewalt noch frey-
heit/ gottis gepott zu reyszen/ den nehisten berauben/ wucher trey-
ben vnd vnrecht vber/ wirt auch gottis dienst/ damit nichts
gepeffert/ sondern vorderbet/ Dan gottis gepott halten/ dz heist
gottis dienst peffern/ Kirchen guter mügen auch woll böß
bussen peffern/ Vnd wan die gätze welt/ mit solchem auffsatz
zu leyhen eynen prauch hette/ solten doch die kirchen vnd geyst-
lichen/ da widder handeln/ vnd yhe geystlicher / yhe güter we-
ren/ yhe Chustlicher/ nach dem gepott Christi/ leyhen/ geben vñ
faren lassen. Vnd wer anders thut/ d thuts nit der kirchen/ noch
geystlichen guttern/ zur peffernung/ sondern seynes wucher such-
tigem geytz/ der sich schmückt/ vnter solchen guten namen.
Drumb ist auch nit wunder/ das wenig Christen seyn/ dan hie
siht mñ/ wilche rechter guter werck sich vber/ ob woll viel sich
blenden vnd betriegen mit yhren eygen erlesenen guten wercken/
die yhn gott nicht gepoten hatt. So aber yhemand/ auß dises
allen sich beschweret/ zu leyhen seynem nehisten/ ist es eyn zeychen
seyns grossen vnglaubens/ das er voracht/ die trostlich zu sa-
gung Christi/ do er sagt/ Wen wir leyhen vñ geben / so seyn
wir kinder des aller hochsten/ vnd vnser lohn groß / vñ solcher
trostliche vorheysung/ ist nit würdig/ der siem glaubt / noch
darnach sich mit den wercken richtet.

Das ander teyll diß Sermons.

¶ Czu ersten/ Vnter disen dreyen graden/ seynd nu ander grad vnd weyß/ die zeytlichen guter zu handeln/ als kauffen/ erben/ bescheyden vnd der gleychen/ die mit weltlichen vnd geystlichen recht vorfasset seyn. Durch wilche niemant besser noch erger wirt fur gott/ dan das ist keyn Christlich vordienst/ so du ettwas kauffst/ erblich besizist odder sonst redlicher weyß vber komist/ Seyntemall auch die Heyden/ Turcken vnd Juden/ der massen frum seyn mugen/ Aber Christlicher handell/ vnd woll brauch zeytlicher guter stet in den dreyen obgesagten graden odder weyßen/ geben vmbsonst/ leyhen an auffsatz/ vnd mit frid faren lassen/ was mit gewalt genomen wirt. Jzt lassen wir anstehn all andere weyß/ vnd nemen fur vns den kauff/ nehmlich den zins kauff. Darub/ das yn dem selben eyn hubscher scheyn vnd gleyssen ist/ wie man an sund ander leutt beschweren vnd an sorge odder muhe/ reych werden muge/ Dan yn den anderen hendellen/ ist es yhederman selbs offenbar/ wo er zu thewor/ falsche war/ falsch erb/ falsch gutt gibt oder besizt/ aber diß behend vnd new erfunden geschafft/ macht sich gar offt eynen frumen vnd getrewen schutz hern/ des vordampften geitzs vnd wucher.

¶ Czu andern/ Wie woll der selb zinskauff nu ist bestetiget als eyn zimlicher vnd zu gelassener handell/ so ist er doch heffsig vnd seyndselig/ auß vielen vsachen. Czu ersten/ das er ein neues behendes erfunden dingk ist/ sonderlich yn diser letztem ferlichen zeytt/ da keyn guts mehr erfunden wirt/ vnd aller menschen syn vnd gedanken/ zaumloß/ nur auff gutt ehr vñ wollust trachten/ vnd wir in den alten/ dises kauffs keyn exempell lesen. Vnd sanct Paul⁹ disse zeyt auch beschreybt/ die vil newer bößer stuck/ erfinden werde. Czu andern. dz/ wie sie selb müssen bekennen/ wie billich er sey/ so hab er doch eyn böße ansehē vnd ergerliche gestalt/ vnd sanct Paul gepentt/ man soll meyden alle böße ergliche gestalt/ ob sie auch sonst/ an yhn selb/ billich vnd zimlich weren/ Ab omni specie mala abstinete vos. i.



Thessal. vlti. Vor aller bößen gestalt huttet euch. Tu ist in dieses
kauff/ alzeyt des kauffers oder zins herin vortheil/ grösser/ besser
vnd yderman gefelliger angesehen/ dann des vorkauffers e dder
zins mans/ des anzeichen ist/ das mā noch niedriß gehandelt
hatt/ des vorkauffers/ sondern allein des kauffers halben/ dan
eyns yder gewissen befürchtet/ es mocht nit billich seyn zins zu
kauffen/ so doch niemant dran zweyffelt/ das ein yder das seine
vorgebe odder vorkauffe/ wie ferlich er wolt/ so gar nah/ vñ fer-
lich geht/ des kauffs handell/ an das gewissen.

Zum dritten/ das es schwerlich mag geseyn/ das der selb
kauff/ ob er auch on wucher geschehe/ nit wider das natürlich
vñ der Christlichen lieb gesetz geschehe/ dan zu demuten ist/ dz
der kauffernimmer odder gar selten/ seynes nechsten/ des vorkau-
ffers besserung vnd vortheil yn diesem kauff/ mehr odder so will-
suche vnd begere/ als seyne eygene/ sonderlich so der kaufferey-
cher/ vnd solchs kauffs nit nott durfftig ist/ So doch das
natürlich gesetz sagt/ was wir vns wollen vnd gonnen/ sollen
wir auch vnsem nechsten wollen vnd gonnen. Vnd der lieb art
ist (wie. i. Corin. xij. s. Paulus sagt) Das sie nit yhren eygen ges-
niß noch vortheil/ sondern der andern/ sucht/ wer wil aber glau-
ben/ das in diesem handell yderman zins kauffe (er sey dan gar
nottdurfftig) zu gleycher besserung/ vñ vortheil seynes nechste/ des
vorkauffers/ als seynes eygē/ so es doch zu besorgen ist/ d kauffere
wolt nit gerne an des vorkauffers stat sein/ wie in andern kauffē.

Zum vierden/ muß das ydermā bekennen/ dz dieser kauff/ er
sey wucher oder nit/ so thut er doch eben dasselb werck/ das der
wucher thut/ das ist/ dz er alle land/ statt/ herin/ volck/ beschwe-
ret/ außseugt vnd yn vortreiben bring/ wie wir das sehen offent-
lich/ yn vielen steten vñ furstenthumē/ wilchs kein wucher hett
mocht volnbringen. Tu hatt der heri geleret/ nit die frucht auß
den baumen/ sondern die baum auß den fruchten zu erkennē/ so
ist mirs vnmüglich/ das ich dich soll achten eyne süßen seygen
baum/ wan du nit anderst/ dan schaffe dom tregst/ vnd will
sich mit mir nit reymen/ das der zins kauff/ solcher weys billich
sey/ dauon land vnd leutt vortreiben.

Zum fufften wolan/ laßt vns richten/ trewmē odder mit ge-
walt denckē/ dieser kauff sey dermassen billich/ wie er izt gah/ /
Dennocht ist er würdig/ das pabst/ bischoff/ keyser/ fursten/ vnd

ydernā/dartzu thun/dz er auff gehabē werde/vñ iglicher schul
dig/wer ym weeren mag/dz ers thu/vmb seynes bösen vordāpa
ren frucht willen/die dieganzt welt bschwoeret vnd vorterbet.

¶ Czu dritten/Drüb ist's nit genug/dz diser kauf durch geyst
lich recht/erredtet sey vom wucher/dan er ist darüb/nit loß od
sicher/vom geitz vnd eygen nutziger liebe/ vnd auß dem geyst
lichen gesetz mā findet/das er nit zur liebe/ sondern zū eygē nutz
gezogen wirt/ Gleych wie das gelt auff dem spiell gewōnen/
ist auch nit wucher/dennoch ist's nit an eygenutzige seyns selb
lieb vnd an sünde gewōnen/vnd der gemeynen frawen lohn/ ist
auch nit wucher/doch mit sünden vordienet/vnd das gut mit
fluchen/schweren/oder seyrprechē erworbe/ist auch nit wucher.
aber doch mit sünden erworben. Derhalben ich nit mag schlie
ßen/das die zins kauffer recht vnd billich handeln/die seyn nit
bedurffen. Ja ich frey sage vñ warnē/das die reychen/die disses
kauff's nit anders prauchen/dan nur zu mehren yhre zins vnd
gutter/vnangesehen/dz andere daz durch beschwoeret werden/yn
großer far stehen/vñ achts auch nit/das er den selben sey zu ge
lassen/wie etlich geitzige blasen thun / die auff benanten tag
zins auff heben/vnd frisch widderumb dasselb auch auff zins
treiben/dz ymmer eyn zins den andern treyb/wie das wasser die
möll rad/wilchs so eyn offener vnd vnvorschāpter geitz ist/
dz kein mēsch/wie groß er sey/nit leugnē kan/dennoch/helt mā
das alles für billich/Vnd wen kein andere vrsach were/disen
zins kauf/zu achten als eynē wucher oder yhe als eynē vnrech
ten handell/sonderlich in dissem fall / so were doch disse sach
gnugsaz/dz er solche offentlichē vnvorschāpten geitz deckt/
vnd sicher handeln lest/Dan waz auß got ist/dz weret den sün
den vñ allem böses/Aber diser handell/gibt frey dez geitz seynē
willē/Drüb muß er auß got nit sein/wie er itz im praucht geht.

¶ Zum Vierden. Zu wollen wir sehen den grund durch
wilchen diser zarter handell wirt gebillich. Es ist eyn wort
lin/dz heyst auff latein/interesse/das edle/ thewz/ zarte wort
lein/lautt auff deutsch bouil/wen ich hundert gulden hab/daz
mit ich mocht ym handell durch meyn mühe vnd sorg eyn iar
lang / funff/sechß adder mehr gulden erwerben/die thu ich von
myr zu eynem andern / auff eyn fruchtpar gutt / das nit ich/
sondern er mag also damit handelln/auff dem selbē/Drüb

nym ich von yhm funff gulden / die ich hett mocht erwerben /
vnd also vorkauffte er mir die zins / funff gulden vor hundert /
vnd bin ich kauffer vnd er vorkauffer. Sie spricht man nu /
der zinskauff sey billich / die weyl ich het villeycht mehr mocht
gewinnen ierlich / mit den selben gulden / Vnd das interesse / sey
recht vñ gnugsaz / Das alles hatt so eyn hübschen scheyn / das
es auff keynen ort / yemand tadelln mag. Aber das ist auch
war / das ein solch / interesse / mit muglich ist auff erdē zu habē.
Darüb / das ein ander interesse ist / gegē das / wilch ist / also ge
than / woen ich hundert gulden hab / vnd damit gewerben soll /
mag mir hundertherley sar begegē / das ich nichts gewinne / ia
noch viermall so viell volire dartzu / eben vmb desselben gellts
willen / odder vorkranckheit nit werben mag / odder keyn wahr
noch gutt vorhanden ist / vnd der sell vntzellig vill / wie wyr
sehn das der vortreiben / volust / schaden / mehr seyn / dan des ge
wynnen. Also ist das interesse / des voliren wol so groß / oder
größer / dan das interesse des gewinst.

¶ Czu funfften. Wo nuhe der zins wird kaufft / auff das
erste interesse allein / da mit solch sar vnd mühe auß bleyben / vñ
nymmer mehr kumen mag / das er mehr volire / dan er anlegt
vñ also das gelt / gerad als mocht es alles vñ allzeyt / an das
ander interesse sein / anlegt / so ist clar / dz der kauff auff nichts
gegründt ist / die weyll eyn solchs interesse nit mag seyn noch er
funden werden / Dan yn solchem kauff / find er alzeyt wahr / fur
handen / vnd mag handelñ still sitzend / kranck / kind / weyb oder
wie vntuchtig er sey / der keyns nit seyn mag / ym handell vñ ge
werben mit blossen gelt. Der halben die auff solch interesse al
leyn sehen vnd handelñ / seynd erger dan wucherer / ia sie kauffen
das erst interesse / durch das ander interesse / vñ gewynnen eben
da mit / da ander leut mit voliren. Widderumb / die weyl
nit muglich ist / das ander interesse / zu vorkauffen / werden vnd
gleych achten / dan es nit yn menschen gewalt steht / so sihe ich
nit / wie der kauff besteen muge / Dan wer wolt / nit liber hundert
gulde auff zins legen / dā damit hädeln / die weyl / er ym hädell /
mocht / voliren ein iar zwentzig gulden / mit der summen daz /
vñ ym kauff / nit mehr dan funff mag voliren / mit behaltener
summen

summen da zu / vber das / ym handell must offte seyn gelt still
 ligen der wahr odder seynes leybs halben / das ym kauff an vn-
 terlaß geht vnd wirbt. Was ist dan wunder / das eyner aller
 welt gutt zu sich bringe / der do bereytschafft der wahr / vnd teg-
 lich sicherheyt weniger fahr / mit behut der haubt summē zu vor
 hatt vmbsonst. Es muß nit kleyne zu tragen die zeytt / dem / der
 die wahr allzeyt vberkūmen mag / gleych wie sie nit wenig ab-
 tregt / dem / der nit kan der wahr loß werden odder vberkūmen /
 drumß muß es gar eyn vngleych dingt sein / gelt auff zinsen / vñ
 gelt ym handell / vnd eynes gegen dem andern nit mag geachtet
 werden / dan gelt auff zinsen / hott eyn grund / der on vnterlaß
 wechset vñ tregt auß der erden / on sorg der vorlust an der haubt
 summen. Aber gelt ym handell hott nichts gewises / darūß ist
 hie kleyne interesse / dan zufellig / darauff nichts zu bawen ist.

Zie werden sie villeycht sagen / die weyll sie legen gelt auff die
 gründe / so sey da eyn interesse des vorlirens / neben dem interesse
 des gewinstis / dan darnach der grund bleybt od nit / so bleybt
 odder felt auch der zins. Dis ist alles war / dauon wir drumß
 dan weyter hören werden. Aber das bleybt gleych wol / dz ein gelt
 das man auffeynen grūd mag legen / gar vill zu nympt an dez
 ersten interesse / vñ abnympt an dem andern interesse / gegen dem
 gelt / das ym handell webt / dan wie droben gesagt / vill mehr
 fahr seynd ym handell / dan auffeyn grund. Die weyll dan nit
 mit eynem yglichen gelt man grund vberkūmen mag / so kan
 man auch nit zins vmb eyn yglichs gelt kauffen. Drumß ist
 nit gnug gesagt / mit souill gelt mocht ich souill zins auff
 eynem grund kauffen / drumß nym ich billich souill zins da fur /
 vnd laß eynen andern vor den grund sorgen / dan mit der weyß
 will man eynem yglichen gelt eynen baren grund zu rechnen / dz
 doch nit möglich ist / vnd drauß groß beswerung / der land vnd
 leutt volgen muß.

¶ Zu sechsten. Drumß ist nit wunder / das die zins iuclern
 so schwind fur andern leuten reych werden / dan die weyll die
 andern mit yhem gelt ym handell bleyben / seynd sie beyden in-
 teresse vnterwoissen. Aber die zins iuclern mit solchem fund /
 heben sie sich auß dem andern interesse / vnd kūmen yn das ist /

d



vñ da muß yhn vill sacht abgehn vñ sicherheit zu gehn. Darüß
solt nit gestattet werden / das man zins kaufte / mit blossen
gelt / vnangezeygt vñ vnbestympt / den grund der zins in sinder
heyt / wie izt der prauch ist vnter den grossen Kauffleuten / vñ
faren dahyn / legen das gelt / auff eynen grund / yn gemeyn vnd
vñemant. Dan da durch geben sie der natur vnd art des geltts /
das doch nur seyn gluck vñ zufall ist. Es ist nit die natur des
geltts / das es ein grund kaufte / sondern es mag zufellig eyn grūd
seyll werden auff zins / da ettlich gelt zu nutz sey / das geschicht
aber nit allen grund / auch nit allen gelt. Dürß soll man den
grund nennen vnd eygentlich bestymmen / wan das geschicht /
so wurd woll offenbar werden / wie vill geltts / muß zinslos /
yn dem handell odder kassen bleyben / das izt zins treybt / vnd
doch keyn anderzug noch sacht hatt. Dan das mā yn eyner ge
meyn hyn sagt. Ich mocht so vill zins dafür kaufen / auff ey
nem grund / vnd das soll interesse heysen. Ja lieber / meyn gelle
mocht meynem nach parou / seyn hauss ab kaufen / so es aber
yhm nit seyl ist / gillt er das mugen meyns geltts / mit seynem in
teresse / nichts / also / ist nit alles geltts gluck / dz es zins kaufte /
auff eynem grund / vñ wollen doch / auff alls / was gemuntzet
mag werde / zins kaufen / dz seyn Wucherer / Dieb / vnd Keuber /
Dan sie vor kaufen des geltts gluck / dz nit yhr ist / noch in yhrer
gwalt. Ja sprichstu / es mag zins auf ein grūd kaufte / es thuts
aber noch nit / vnd kans villeycht nymmer mehr thun. Zans
mag ein Gieten nhemmen / Er hat sie aber noch nit / so ist er auch
noch nit ehlich. Deyn gelt mag zins kaufen / das
ist die helffe geschehn / Es ligt aber an andern / das ia wort vñ
die ander helffe / so nym ich nit halb fur gantz / doch wollen izt
die reiche kauffleut yhrs geldis gluck vnd dasselb eytell on vn
gluck / darzu anderer leut willen vñ mit vor kaufen / on wilche
es leytt ob sie vor kaufen wollen / das heyst die dreytzehende Bern
haud vor kaufte.

¶ Czu siebendē / Weyter sag ich / ist nit gnug / das der grūd
sacht da sey / vnd ernennet werde / sondern soll klerlich / stuck bey
stuck anzeygt / vnd das gelt vnd zins drauff geweyset werden /
als nehmlich / das hauss / d garte / die wise / der teych / das sibel /
vnd das alles noch frey / vnvor kaufte / vnd vnbeschweret / vñ nit

der blinden Kuespilen/ynß gemeyn/oder ganz auff hauffen/ dz
gutt besch weren. Dan wo das nit geschicht/da muß eyn statt
oder arm man ym sack vorkaufft werden/vñ durch den blindē
kauffyn grūd vorteben/wie wir sehen/itz in vielen grossen ste-
ten vnd herschafften geschichn. Vrsach ist/danes mag eyner
statt abghan yhr handell/burger weniger werden/heußer vor-
pennen/Ecker/wisen/vñ alle grūd vorgahn/vñ eynes igliche
hauswirt seyn gut vñ sihe/weniger werden/kinder mehr werde
oder sonst/mit vnfall beladen werdē/ Vnd schleychen also die
gütter da hyn/vñ bleybt doch der blind kauff/der auff den gan-
zen hauffen/yn der gemeyn gemacht/also muß dan das arm
wenigenach bleybende gut/tragen des ganz vorigen wolbertis-
gen hauffens/burde vnd kost/das mag vñ muß nymmer mehr
recht seyn. Da ist der kauffer seyner zins gewiß/vñ nit yn der
fahr/wilchs widd die natureins ygliche kauffs ist/wilchs nit
geschehe/wo auß druckt wurd stuck bey stuck/sondan der zins
blieb/ sure/webtvñ schwebt/gleich/mit seinē grūdē/wie recht ist

¶ Czu achten/Vnd dis ist die eynige enthaltung/dises kauffs
das er nit eyn wucher sey/vnd mehr thut/dan alle interesse. Das
der zins iurcker/seyn zins hab/yn aller fahr vnd yhr vngewiß
sey/als aller andern seyner guttern. Dā d zins mā mit seyner gut
ist vnterwoiffen gotreis gewalt/dem sterben/kranken/wasser/
fero/lufften/hagell/donner/regen/wolffen/thieren/vnnd böser
menschen manichfeltig beschedigūg/Diese fahr allesampt solle
den zins hern betreffen/dan auff solchen vñ nicht andern grūd
stehen seyner zins. Es gepurt yhm auch nit ehr zins für seyn
gelt/es sey dan/das der zins man oder vorkauffer/des guttis ey-
gentlich bestympt/vñ seyner arbeit frey/gesund/vñ on bynder-
niß prauchen muge. Das leweret sich auß der voinufft na-
tur vñ allen rechten/die do eyntrechtlich sagen/das die fahr des
vorkaufften dings/sihee bey dem kauffer. Dan der vorkauffer/
ist nit schuldig dem kauffer seyner ware zu behuten. Also wo
ich zins auff eynem benanten grund kauff/so kauff ich nit den
grund/sondern/die arbeit vnnd muhe des zinsmans auff dem
grund/da mit er mir meyn zins bringe. Darumb
steht bey mir alle die fahr / die solch arbeit des zinsmans

hinderen mügen / so ferne sie an seyn schult vnd vorseumnis geschicht / es sey durch die elementen / tieren / menschen / krankheyt / odder wie es genent vñ kumen mag / darinne der zins man / so groß interesse hatt / als der zins herre / also / wo yhm nach getanem vleyß / seyn arbeyt nit gelinget / soll er vnd mag sagen / zu seynem zins herren / frey / diß iar byn ich dir nichts schuldig / dan ich hab dir meyn arbeyt vnd mühe / zins zu bringen / auff dem vnd dem gutt / verkaufft / das ist mir nit geraten / der schad ist deyn vñ nit meyn. Dā wiltu eyn interesse mit haben zu gewinnē mustu auch ein interesse mit haben zu uoliren / wie das foddert die art eyns iglichen kauffs. Vnd wilche zins herren / das nit leyden wollen / die seyn als frum / als reißer vnd möder / vnd reyssen auß dem armen / seyn gutt / vnd narunge / We yhenen.

¶ Czu neunden / Darauß aber folget / das d blind zins kauf / der nit auff bahre benate stuch vñ stuch / eins grüds / sondern in d gemeyn hyn / auff vil gutter in eynē hauffen gezogen / gemacht ist / vnrecht ist / Dan die weyll / mā nit kan antzeygen / auff wilchen stucken er sthee / so hatt er auch keyn fahr / vñ nympt ymmer hyn / es geprech hie oder dort / vñ will seyn zins gewis sein.

Szo sagstu villeycht / Wan das ist / wer wil dan zins kauffen? Antwort. Sihe da / ich wisset woll / wo die natur solt recht thun / sie wurd sich rüpfen / da brichts erfur / das ym zins kauff / wirt nur sicherheyt / geytz vnd wucher gesucht.

¶ Wie vill stett / land / leut / müssen zinsen / den mā lengist were schuldig gewesen gelt nach zu geben. Dan wo dise fahr nit ist ym zins kauff / da ist kurz vmb eytel wucher. Ruhe gehn sie daher vnd stifften kirchen / Clöster / altar / diß vnd das / vnd ist des zinskauffens / noch maß noch end / gleych als were es muglich das alle iar / gutter / person / gluck / frucht / arbeyt / gleych weren / Es geradt wie gleych od vngleych / so müssen die zins gleych fur sich gehn. Solten da nit land vnd leut vorterberen / mich wundert / das bey solchen vnmeslichen wucher / die welt noch stett. Also hatt sich die welt gepessert / was vorzeyten hieß leyhen / das ist darnach ym eynen zins kauff vorwandelt.

¶ Czu zehenden / Der selb zins kauff / geschicht ettwan / das

man denen abekauft / die woll dürfften / das man yhn leyhetel
 oder gebe / so raug er doch zu grund gar nichts / dan gottis gepott /
 steht ym wey / vñ wil / das den dürffigen geholffen werd
 mit leyhen vñ geben. Czu anderm all geschicht er / das kauffer
 vñ vorkauffer beyderteyl / des yhren bedurfften. Derhalben / noch
 leyhen noch geben vornügen / sondern sich / mit des kauffs we
 chsel behelffen müssen. Wann das geschicht / an vbirretung des
 geystlichen geset / das man auff's hundert 4. 5. 6. gulden gibet
 lest sichs tragen / doch soll allzeyt die gottis forcht / sorgfelig
 seyn / das sie mehr forchte / sienhem zuuil / dan zu wenig / das der
 geytz nit neben d sicherhey / des zimlichen kauffs eynreyse. Ihe
 weniger auff's hundert / yhe gottlicher vñ Christlicher der kauff
 ist. Das ist aber meynes wercks nit / anzuzeygen / wo mā funff /
 vier oder sechs auff's hundert geben soll. Ich las es bleyben bey
 dem vireyll der rechten / wo der grund so gutt vñ reych ist / das
 mando sechs nhemen müge. Aber meyns dunckens acht
 ichs / so wir Christus gepott halten woltē yn den ersten dreyen
 graden / solt der zins kauff / nit so gemeyn odder nott seyn / es
 were dan / yn groffen mercklichen summen / vnd tappern gütern
 Er reyset aber eyn / yn die groschen vnd pfennig / vnd vbet sich hie
 nyden / yn gar geringen summen / die man leychtlich mit geben
 odder leyhen auß richtet / nach Christus gepott / vnd will doch
 nit geytz genent seyn.

¶ Czu elfften / Zu findt man ettelich / die nit allein yn gerin
 gen gütern / sondern auch zuuil nemen / sieben / acht / neun / zehen /
 auff's hundert. Da solten die gewaltigen eyn sehen / hie wirt das
 arm gemeyn volck heymlich auß gesogen / vnd schwerlich vns
 ter druckt. Drib geschicht auch / das solch rauber vñ wucherer /
 wie die tyrannen vnd rauber wirdig seyn. Villmals / vnnat
 turlich sterben vñ des gehende todts vorkallen / oder sonst schre
 cklich vmbkōmen. Dan gott ist eyn richter / fur die armen vnd
 dürffigen / als er vill mall / ym alten geset / sagt.

Sie faren sie dan aber daher / vnd sagen / die kirchen vñ geyst
 lichen thun das / vnd habens macht / die weyll solchs gelt zu
 gottis dienst / gelangt. Furwar hatt man keyn andere sach
 den wucher zu recht fertigen / so ist er nie vbeler geschulten / dan



er will/ yhe die vnschuldig Kirche vnd geystlicheyt mit yhm
zum teuffell furen/ vnd in die sund zyhen. Thu den namen der
Kirchen ab/ vnd spuch/ es thu der wuchersuchtige geertz/ odder
der faulenzter alter Adam/ der nit gerne arbeytt / vmb seyn brott
zu erwerben/ das er seynem mussig gang vnter der kirchen name
eynen deckell mache.

Was gottis dienst mir? das heyst got gedienet/ seyn gepot
gehalten/ das man niemant stele/ neme/ vber setze vnd des gley-
chen/ sondern/ gebe/ vnd leyhe den durfftigen/ Solch warhafft-
rig gottis dienste/ wiltu zu reyssen/ auff das du kirchen barwist
altar stiffrest/ vnd lesen/ vnd singen last / der dir gott keyns ges-
potten hatt/ Vnd also/ mit deynem gottis dienst / den rechten
gottis dienst zu nichte machist. Laß den gottis dienst for-
gahen/ den er gepoten hatt / vnd kume dan her nach mit dem/
den du erwelet hast. Vnd wie ich droben gesagt. Wen alle welt
zehen auffss hundert nehme / so solten doch/ die geystlichen stifte
das gestrengist recht halten/ vnd mit fürchten / vier odder funff
nehme/ Dan sie sollen leuchten vñ gutt exempell geben/ den welt-
lichen. Szo keren sie es vmb/ wollen freyheyt habe/ gottis gepot
vnd dienst zu lassen / vbell zu thun/ vnd Wucher zu treyben.
Wiltu gott dienen/ noch deynere weyße/ so diene yhm/ an scha-
den deynes nechsten/ vnd mit gottis gepotten erfüllung. Dan er
spricht Isa. lxi. Ich bin eyn gott/ der das gericht lieb hatt/ vñ
bin feynd dez opffer das do geraubt ist. Auch spricht der weyße
man. Gib ein almosen von dem das deyn ist/ Solche vber setze
aber/ seyn gestolen deynem nechsten/ widder gottis gepott.

Azū xij. Furcht mā aber/ dz der kirchē vñ stifften abgabe/ so
die meynung sol fur sich gahen. Sag ich/ Es ist besser/ auß zehē
stiftung/ eyne gotliche gemacht/ dan vill behaltē/ widder got-
tis gepott / Was hulff dich der gottis dienst/ den du horest/ er
sey widder gott/ seyn gepott/ vnd seynen dienst/ du wirst eynem
gott/ nit mit zweyen widder spenstigen diensten dienen/ Auch
nit zweyen herren dienen.

Auch seyn ettlich so schlecht eynfeltige/ das sie solchen zins
an grund vñ vnterpfand vorkauffen/ odder yhe mehr vorkauffen
dan der grund tregt/ Da mercklich vortreiben herkompt/ vnd ist

13
Die materij fast ferlich vnd weytleufftig/das schwerlich dauon
gnugsam mag gesagt werden. Das Beste were/das man sich
zu dem Euāgelio lendete/nehete/vñ sich vbetete/yn Christlichen
hendeln mit den gutteren/wie gesagt ist.

Auch ist ein ferlich gesuche/yn diesem kauff/des ich besorge/
niemant oder fast wenig keuffer an sehn/Der ist/das sie wollē/
yher zins vnd guts gewis vnd sicher seyn/Vnd daruß gelt vñ
sich thun/das bey yhn nit yn der far bleyß/vnd viel lieber yhn ist
das ander leut damit arbeyten vnd yn der gefarstehn / das sie
die weyll müßig vnd farol seyn mugen/ vnd doch also reych
bleyßen odder werden. Ist das nit wucher/ so ist er yhm fast
ehnlich: Kurzlich es ist widder gott/ Dan wo du forteyll an
deynem nehsten suchst/den du nit auch woltest an dir yhm las
sen/da ist die lieb auß vñ naturlich gesetz zurißten/Tu sorg ich
das man in zins keuffen gar wenig acht / wie es dem nehsten
gedeye/wan nur vnser zins vnd gutt sicher ist. Das man
doch yn keynen weg nit suchen soll/vnd ist gewis eyn anzeygen
des geytz oder faulheyt / wie woll der kauff darauß nit erger
wirt/so ist es doch sund fur gott.

Gedruckt zu Wittenbergt/durch Ioan. Grūnenbergt
Nach Christ gepurt tausent funff hundert vñ
zwenzigsten Jar.

Faint, illegible text, likely bleed-through from the reverse side of the page.

Druck in Hamburg, im Jahr 1711
Verlag des Verlegers
Hamburg



Fl 289



ULB Halle 3
 001 343 890



Sl

~~TA-OL~~

R

Ant.





Eyn Sermon von dem Wucher. Doctoris Martini Luther Augustiner zu Wittenbergk.



Inches 1 2 3 4 5 6 7 8 9 10 11 12 13 14 15 16 17 18 19 8

Centimetres

Farbkarte #13

B.I.G.

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------

ba
b
r.
hu
as
n
wi
u
fi
m
rh
vo
ein
zi
de
an
in
en
iti
ke
og

